



Bersama  
Prof Dr Taufiq  
Yap Yun Hin

Islam mula berkembang di sebelah Timur khususnya di China apabila dibawa oleh seorang sahabat yang juga bapa saudara Nabi Muhammad SAW iaitu Saad bin Abi Waqqas. Beliau termasuk 10 sahabat Nabi SAW yang dijanjikan syurga.

Islam mula tiba di Guangzhou sewaktu Dinasti Tang (618 hingga 907 Masihi). Perjalanan yang diketuai Saad bersama tiga sahabat lain iaitu Tsabit ibnu Qays, Uwais al-Qarni dan Hassan ibnu Tsabit melalui laluan sutera maritim dari Semenanjung Arab ke Guangzhou dengan tujuan berdakwah.

Guangzhou memang

Kunjungan singkat penulis bersama rombongan beberapa peniaga Malaysia dapat melihat sendiri kepesatan urus niaga secara borong bagi perniagaan di tanah air. Pelbagai pilihan dengan kualiti barang yang berbeza boleh diperoleh.

Saad membina masjid pertama di China iaitu Masjid Huaisheng yang bermakna 'memperingati Nabi' pada 627 Masihi.

Selain Masjid Huaisheng, ada tiga lagi masjid

# Islam subur di Guangzhou



PENULIS (lima dari kanan) bersama rombongan di depan Masjid Abi Waqqas.

di Guangzhou iaitu Masjid Abi Waqqas, Masjid Haopan dan Masjid Xiaodongying.

Masjid Huaisheng yang berkeluasan kira-kira 3,000 meter persegi dengan seni bina Cina turut dikenali sebagai Masjid Guang Ta.

Ia termasuk empat masjid pesisir pantai yang tertua di China selain Masjid Crane di Yangzhou, Masjid Kylin di Quanzhou dan Masjid Pheonix di Hangzhou.

Kedua-dua pejabat Persatuan Islam Guangzhou dan Institut Penyelidikan Etnik Hui Guangzhou terletak di dalam masjid ini.

Pada setiap Jumaat, lebih 2,000 Muslim menuaikan solat di sini. Guangzhou mempunyai lebih 14,000 penduduk Islam tempatan di samping 120,000 Muslim dari luar.

Masjid ini adalah warisan sejarah kebudayaan negara China. Di bahagian utara, pintunya tertulis kalimah:

"Dialah Allah, Tuhan Kamu. Tiada Tuhan melaikkan- Nya. Dialah yang telah mencipta segala-galanya di bumi ini dan sembahlah-Nya."

Terdapat juga tempat untuk melihat anak bulan yang dibina sewaktu era Dinasti Ming (1368 hingga 1644). Selain itu, sebuah plak besar dengan kaligrafi Cina iaitu Jiao Chong Xi Yu yang bermakna 'Islam datang dari barat Makkah' bersama cop mohor

Maharaja Guangxu ketika era Dinasti Qing pada 1901.

Sebuah menara terkenal yang dikenali sebagai Menara Guang Ta turut dibina di kawasan masjid ini. Ia mempunyai ketinggian 36.3 meter yang berfungsi untuk memperdengarkan laungan azan.

Menurut maklumat yang disampaikan oleh imam masjid ini, Ismail Wang, menara ini yang dibina lebih 1,300 tahun lalu masih dalam bentuk asal. Ia dibina di tebing Sungai Zhujiang pada era Dinasti Tang.

Kini ia menjadi warisan budaya negara China dan sebagai bukti kedatangan Islam ke Guangzhou melalui laluan sutera maritim.

**Penulis ialah Presiden Persatuan Cina Muslim Malaysia (MACMA) dan profesor di UPM**